

# Krime incestu iha Timor-Leste



# Insestu iha Timor-Leste

Hato'o iha Counterpart International nia  
parseiru servisu advogadu sira hosi FFSSO, ECM  
Baucau, no LBH Liberta Dili

19 Abril 2016

## Saida mak 'insestu' ?

Aktu seksuál no/ka relasaun seksuál ne'ebé involve membru família ne'ebé besik sira, hanesan:

- Aman hasoru oan rasik/oan hakiak
- Avón hasoru bei-oan
- Maun hasoru nia alin-feto ka bin, ka naan ka sira ne'ebé inan ka aman ida (hanesan)
- Iha kazu balun bele involve tiun hasoru sira nia sobrina sira;
- Maioria vítima insestu mak labarik.

## Deskobrimentu/temuan JSMP& ALFeLa

Entre Janeiro 2010 no Junho 2012 JSMP/ALFeLa apoia vítima incestu na'in 32.

Tipu krime	Númeru kazu
Tentativa violasaun seksuál ba menór	1
Abuzu seksuál ba menór <sup>21</sup>	14
Violasaun seksuál	16
Tentativa violasaun seksuál	1

Maoria vítima incestu mak menus tinan 25 (97%) no hotu-hotu involve feto (100%) mak nu'udar vítima

## Insestu nu' udar violasaun podér

- Insestu ofende no kontra valores sosiál, morál no relijioza.
- Insestu hamosu prejuizu fíziku no psikolójiku ne'ebé grave tebetebes dura ba tempu naruk;
- Insestu manifesta forma ida hosi abuzu ba autoridade familia, konfiansa no pozisaun.

## Problema saida ho lei agora/Kodigu Penal

- Agora dadaun, Kódigu Penál ladun forte hodi kombatete krime inestu.
- Bainhira feto foin-sae ida ho idade liu tinan 14 hetan abuzu seksuál hosi membru familia ruma, prokurador tenke prova arguidu katak uza forsa ka ameasa grave no vítima tenke halo rezisténsia.
- Difisil atu prova katak arguidu uza forsa bainhira arguidu ne'e membru familia ne'ebé besik no iha presaun ba vítima hodi lakohi fó depoimentu; ka tanba vítima ne'e sente moe atu fó nia depoimentu.

# Problema/defaziu seluk

- Dala barak, arguidu la uza forsa ka ameasa- tanba nia aproveita ninia pozisaun autoridade familiar
- Vítima la hatene atu dehan lae/labele, ka atu buka ajuda hosi ne'ebé, tauk arguidu sei halo abuzu hasoru ninia alin/biin rasik se sira la aseita abuzu refere.
- Dalabarak tribunál prezume/konsidera katak sé vitima nonok deit nu'udar prova ba konsientimentu ba aktu inestu ne'e.

## *Saida mak halo tiha ona?*

- Governu no Parlamentu Nasionál konsidera hela alterasaun ba Kódigu Penál, ne'ebé propoin hodi inklui krime foun iha sub-seksaun ba krime violasaun seksuál iha artigu 172.
- Krime ida ne'ebé propoin ne'e krime públiku,
- Proposta ne'e sei aplika sein haree ba vítima ninia konsentimentu, idade no se violénsia ka ameasa refere uza ka lae.



# *Tansá lei ne'e importante?*

- Timor-Leste iha obrigasaun internasionál no nasionál tuir Konvensaun Direitu Labarik (CRC) no Konstituisaun hodi proteje labarik hosi abuzu no explorasaun.
- Labarik sira ne'e grupu lubun-boot no vulneravel iha sosiadade Timor no abuzu seksuál hasoru labarik no feto-ran sira ne'e krime seriú ne'ebé bele iha efeitu substansiál no rohan-laek ba vítima sira.
- Violénsia kontra labarik no liu-liu violénsia seksuál kontra feto-ran ne'e problema réal no la'ó hela iha Timor-Leste.

# Importánsia seluk;

- Violasaun no koasaun seksuál ne'e nu'udar tipu violénsia bazeia ba jeneru.
- Violénsia bazeia ba jeneru ne'e jerálmente rekuñese nu'udar violasaun direitu umanu no forma diskriminasaun ida ne'ebé afeita seriú ba fetonia abilidadade hodi realiza sira nia direitu bar-barak ne'ebe sira iha.
- Internasionálmente, violasaun seksuál konsidera nu'udar krime kontra ema ni integridade fiziku ne'ebé involve iha atividade seksuál sein sira nia konsentimentu livre.

# Argumentu seluk;

Definisaun kona-ba 'pratika diak internasional' ('*best practice definition*') ba violasaun seksuál;

- la rekere provas katak arguidu tenke uza forsa, ka
- vítima tenke reziste fizikamente; no
- katak bainhira vítima tuir deit aktu ne'e tanba tauk ne'e la'os konsidera nu'udar konsentimentu (persetujuan);

## *Oinsa lei iha Timor-Leste kriminaliza violasaun seksuál no koasaun seksuál?*

- Normalmente se krime ne'e akontese iha ambitu familia nia-laran, nia pena sei agrava 1/3 (datoluk-ida).
- Tuir Artigu 172 Kódigu Penál Timor-Leste, ema ida provadu komete violasaun seksuál bainhira sira uza forsa, ameasa grave ka halo ema la konxiente hodi halo koasaun seksuál (ka tau objetu ba iha ema refere).
- Tuir artigu 171, ema ida provadu komete koasaun seksuál se nia uza meus hanesan hodi hetan ema seluk ba halo aktu seksuál ho sira.

## Proposta sira ba reforma lei

1. Inkorpora krime espesífiku kona-ba inestu iha Kódigu Penál Timor-Leste no aplika la haree husi vitima nia konsentimentu ka idade.
2. Hametin provizaun sira iha Kódigu Penál ne'ebé relasiona ho krime seksuál iha sirkunstánsia dependénsia atu asegura agresór sira ne'ebé la-iha relasaun direita (adosaun informál, tiun no tian, sobriña no sobriñu) bele mós simu kastigu ne'ebé apropriadu ba violasaun seksuál kontra membru família

# Obrigado

